

第四八九冊

博物彙編

神異典

神異總部

皇天上帝部

后土皇地祇部

(卷)

一一八

九一二

三

古今圖書集成

中華書局影印

欽定古今圖書集成博物彙編神異典

第一卷目錄

神異總部彙考一

上古太昊伏羲氏一則

帝嚳高辛氏一則

陶唐氏帝堯一則

有虞氏帝舜一則

夏后氏禹一則 孔甲一則

商湯一則 武乙一則 紂一則

周懿一則 武王一則 靈王一則

秦穆一則 始皇二則

漢高祖二則 文帝一則 武帝元光一則 太初

始一則 太始一則 宣帝神爵一則 成帝建

平帝元始二則 後漢世祖建武二則 中元一則 章帝元和

魏文帝黃初一則

吳吳主略一則

神異典第一卷

神異總部彙考一

上古

太昊伏羲氏與神鼎以致羣祠

按史記補三皇本紀不載 按路史後紀太昊伏羲氏爰與神鼎制郊禪即命臣芒庖犧登龍使鬼物以致群祠而升薦之

黃帝有熊氏受河圖接萬神始立官以司鬼神祠祀

按史記五帝本紀黃帝時萬國和而鬼神山川封禪

與爲多焉

按竹書紀年黃帝軒轅氏五十年秋七月庚申鳳鳥至帝祭於洛水

注 帝有聖德効百神朝而使之驛應龍攻蚩尤以女魃止淫雨天下既定群瑞畢臻五十年大霧三日三夜晝昏帝問天老力牧容成日子公何如天

老曰臣聞之國安其主好文則鳳凰居之國亂其主好武則鳳凰去之今鳳凰翔于東郊而樂之其

鳴音中夷則與天相副以是觀之天有嚴教以賜

帝帝勿犯也召史卜之龜應史曰臣不能占也其

問之聖人帝曰已問天老力牧容成矣史北面再

拜曰龜不違聖智故應霧既降游于洛水之上見

大魚殺五牲以醢之天乃甚雨七日七夜魚流于

海得圖書焉龍圖出河龜書出洛亦文策字以授

軒轅接萬神于明庭今塞門谷口是也

按路史後紀黃帝即位十有五年喜天下之戴己乃

養正命娛耳目昏然五情爽惑于是放萬機舍宮寢

而肆志于昆臺方明執典與昌禹參乘張若謂朋前馬

昆閭滑稽後車風后柏常從負書劍發朝紫宮之中

涉洹沙而屆陰浦陟王屋而受丹經登空同而問廣

成封東山而奉中華君策大面而禮甯生入金谷而

咨涓子心訪大恢于具茨即神牧于相成陞鴻隄受

神芝于黃蓋遂盍羣神大明之虛而投玉策于鍾陰

歲己酉朔旦南至而獲神策得寶鼎爰典封禪于是

始有天地神民事物之官各司其序俾不相亂民是

以能有忠信神是以能有明德民神異業教而不瀆

故神降之嘉生乃作合宮建壘殿以祀上帝接萬靈

于是采首山之銅鑄一鼎于荆山之陽以象太乙

按通鑑前編黃帝立六相暨史官

注 外紀曰黃帝得六相而天地治神明至

少昊金天氏與郊禪五祀作天潢之樂以誥人神

按路史後紀云云

顓頊高陽氏命重黎司天地以屬神人

按國語楚語昭王問於觀射父曰周書所謂重黎實

使天地不通者何也若無然民將能登天乎對曰非

此之謂也古者民神不雜民之精爽不備貳者而又

能齊肅衷正其知能上下比義其聖能光遠宣明其

明能光照之其聰能聽徹之如是則明神降之在男

曰現在女曰巫是使制神之處位大主而爲之性器

時服而後使先聖之後之有光烈而能知山川之號

高祖之主宗廟之事昭穆之世齊敬之勤禮節之宜

威儀之則容貌之崇忠信之質禮潔之服而敬恭明

神者以爲之視使名姓之後能知四時之生犧牲之

物玉帛之類采服之儀彝器之量次主之度屏攝之

位墳場之所上下之神氏姓之出而心率舊典者爲

之宗于是乎有天地神明類物之官謂之五官各司

其序不相亂也民是以能有忠信神是以能有明德

民神異業敬而不瀆故神降之嘉生民以物享禍災

不至求用不匱及少皞之衰也九黎亂德民神雜揉

不可方物夫人作享家爲巫史無有要賈民匱于祀

而不知其福烝享無度民神同位民瀆齊盟無有嚴

威神狎民則不錫其爲嘉生不降無物以享禍災薦

臻莫盡其氣顓頊受之乃命南正重司天以屬神命

火正黎司地以屬民使復舊常無相侵瀆是爲絕地

天通

按史記五帝本紀帝顓頊依鬼神以制義治氣以教化潔誠以祭祀北至于幽陵南至于交趾西至于流沙東至于蟠木動靜之物小大之神日月所照莫不砥屬

砥屬

按路史後紀帝顓頊設蕭鬱陳裸匏仗萬靈以信順監衆神以道物馭百氣詔雷電采羽山葛嶧之銅鑄鼎以藏天下之神主諸著洞臺之山陰宮之丘悉奠之移安德之石填焉

帝嚳高辛氏明鬼神而敬事之

按史記五帝本紀云云

陶唐氏

帝堯命舜攝位祀上帝及羣神

按書經虞書舜典正月上日受終于文祖在璿璣玉衡以齊七政肆類于上帝禋于六宗望于山川徧于羣神

按路史後紀帝堯立五府以享先祖而祀五帝祭以其氣迎牲殺于廷毛血詔于室以降土神然後樂作所以交神明也

有虞氏

帝舜命伯夷典天神地祇人鬼之禮又命重黎掌天地神祇

按書經虞書舜典帝曰咨四岳有能典朕三禮食曰伯夷帝曰俞咨伯汝作秩宗夙夜惟寅直哉惟清伯拜稽首讓于夔龍帝曰俞往欽哉

秩宗掌序鬼神尊卑即周禮天神人鬼地祇

周書呂刑皇帝哀矜庶戮之不辜報虐以威遏絕苗

民無世在下乃命重黎絕地天通罔有降格

堯命羲和世掌天地四時之官使人神不擾各得其序堯命羲和世掌天地四時之官使人神不擾各得其序

夏后氏

禹致孝于鬼神

按史記夏本紀云云

帝孔甲好鬼神事

按史記夏本紀帝孔甲立好方鬼神事夏后氏德衰諸侯畔之

商

湯承上下神祇罔不祇肅

按書經商書太甲伊尹作書曰先王顧諟天之明命以承上下神祇社稷宗廟罔不祇肅

傳言能嚴敬鬼神而遠之

帝武乙爲偶人謂之天神而僂辱之暴雷震死

按史記殷本紀帝武乙無道爲偶人謂之天神與之博令人爲行天神不勝乃僂辱之爲革囊盛血仰而射之命曰射天武乙獵於河渭之間暴雷武乙震死帝紂慢於鬼神

按史記殷本紀云云 按周本紀殷之末孫季紂殄廢先王明德侮蔑神祇不祀

周

周立官掌治天神地祇人鬼之事

按書經周書周官宗伯掌邦禮治神人和上下

傳治天神地祇人鬼之事

按周禮地官鼓人以雷鼓鼓神祀

注雷鼓八面鼓也神祀祀天神也

以靈鼓鼓社祭

注靈鼓六面鼓也社祭祭地祇也以路鼓鼓鬼享

注路鼓四面鼓也鬼享享宗廟也

凡祭祀百物之神鼓兵舞鼓舞者

釋曰上文神祀社祭鬼享不及小神故此更廣見小神之事

鄭錡曰或謂祭祀用舞固不止於兵較彼其神之小者有用兵舞較舞之時雖止於二舞鼓人亦當鳴鼓以作之也神之小者或能爲人捍患故用兵舞或能爲人除去不祥故用較舞

春官大宗伯之職掌建邦之天神人鬼地祇之禮以佐王建保邦國以吉禮事邦國之鬼神示以禮祀祀昊天上帝以實柴祀日月星辰以槱燎祀司中司命

飪師兩師以血祭祭社稷五祀五岳以狸沈祭山林川澤以醯辜祭四方百物以肆獻裸享先王以饋食

享先王以祠春享先王以醴夏享先王以嘗秋享先王以烝冬享先王

注鄭司農云昊天上帝也上帝元天也司中三能三階也司命文昌宮星風師箕也雨師畢也元謂昊天上帝冬至於圜丘所祀天皇大帝星謂五緯辰謂日月所會十二次司中司命文昌第五第四星

或曰中能上能也社稷土穀之神有德者配食焉五岳東曰岱宗南曰衡山西曰華山北曰恆山中曰嵩山郊特牲曰八蜡以祀四方四年不順成

八蜡不通以謹民財也又曰蜡之祭也主先蠶而祭司蠶也祭百物以報蠶也

凡祀大神享大鬼祭大元帥執事而卜日宿厭滌濯

澶玉邑省牲饌奉玉齋詔大號治其大禮詔相王之大禮

小宗伯之職掌建國之神位右社稷左宗廟

大裁及執事禱祠于上下神示

大司樂以六律六同五聲八音六舞大合樂以致鬼

神示

以冬日至作之致天神人鬼以夏至作之致

地示物彪動物羽羸之屬

凡六樂者一變而致羽物及川澤之示再變而致羸

物及山林之示三變而致鱗物及丘陵之示四變而

致毛物及墳衍之示五變而致介物及土示六變而

致象物及天神

土祇原隰及平地之神原隰及平地以其生

九穀故知此土祇中非直有原隰亦有平地之神

也若然彼不言原隰而乃云土祇者欲見原隰中

有社稷故鄭君駁異義云五變而致土祇土祇者

五土之總神

若樂六變則天神皆降可得而禮矣

若樂八變則地示皆出可得而禮矣

天神則主北辰地祇則主崑崙王昭禹曰言

以類而畢降言地示則大示社稷五祀五岳四瀆

山林川澤四方百物之屬莫不以類而畢出

大祝掌六祝之辭以事鬼神示祈福祥求未貞一曰

順祝二曰年祝三曰吉祝四曰化祝五曰瑞祝六曰

筭祝

以事鬼神示者此六祝皆所以事人鬼及天神

地祇

掌土示以同鬼神示一曰類二曰造三曰禴四曰祭

五日攻六曰說

鄭錫曰鬼神依人而行好惡未嘗不與人同然

亦有時不同人惡疾厲疾或至人惡災害災害

或生師欲有功或不功年欲順成或不順成未必

其心皆同故以六祈祈其同

辨六號一曰神號二曰鬼號三曰示號四曰牲號五

曰齋號六曰幣號

神號若云皇天上帝鬼號若云皇祖伯某示號

若云后土地祇

武王懷柔百神

按詩經周頌時邁章懷柔百神及河嶽嶽允王維后

按史記周本紀祭公謀父曰文王武王昭前之光明

而加之以慈和事神保民無不欣喜

靈王使長弘明鬼神事設射理首

按史記周本紀不載按封禪書長弘以方事周靈

王諸侯莫朝周周力少長弘乃明鬼神事設射理首

理首者諸侯之不來者依物怪欲以致諸侯諸侯不

從而晉人執殺長弘周人之言方怪者自長弘

按拾遺記周靈王二十三年起昆崙之臺亦名宣昭

聚天下異木神工得卑谷陰生之樹其樹千尋文理

盤錯以此一樹而臺用足焉大幹為桁棟小枝為桷

桷其木有龍蛇百獸之形又飾水精以為泥臺高百

丈昇之以望雲色時有長弘能招致神異王乃登臺

望雲氣翳忽忽見二人乘雲而至鬚髮皆黃非謠俗

之類也乘遊龍飛鳳之輦駕以青螭其衣皆縫緹毛

羽也王即迎之上席時天下大旱地裂木燃一人先

唱能為雪霜引氣一噴則雲起雪飛坐者皆凜然宮

中池井堅冰可琢又設狐腋裘裘紫熊文褥熊褥是

西域所獻也施于臺上坐者皆溫又有一人唱能使

即席為炎乃以指彈席上而喧風入室裘褥皆棄於

臺下時有容成子諫曰大王以天下為家而樂異術

使變夏改寒以誣百姓文武周公之所不取也王乃

疎長弘而求正諫之士時異方貢玉人石鏡此石色

白如月照面如雪謂之月鏡有玉人機辰自能轉動

長弘言於王曰聖德所招也故周人以長弘媚詔而

殺之流血成石或言成碧不見其屍矣

秦

秦并天下常奉祠四帝及山川諸鬼神

按史記秦始皇本紀不載按封禪書秦襄公既侯

居西垂自以為主少皞之神作西時祠白帝其牲用

騊駼黃牛羝羊各一云其後十六年秦文公東獵汧

渭之間卜居之而古文公夢黃蛇自天下屬地其口

止于鄜衍文公問史敦敦曰此上帝之徵君其祠之

于是作鄜時用三牲郊祭白帝焉自未作鄜時也而

雍旁故有吳陽武時雍東有好時皆廢無祠或曰自

古以雍州積高神明之隲故立時郊上帝諸神祠皆

聚云蓋黃帝時嘗用事雖晚周亦郊焉其語不經見

指神者不道作鄜時後九年文公獲若石云于陳倉

北阪祠之

蘇林曰質如石也索隱曰云語辭也正義曰三

秦記云太白山山西有陳倉山山有石雞與山雞不

別趙高繞山山雞飛去而石雞不去晨鳴山頭聲

聞三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之

其神或歲不至或歲數來也常以夜光輝若流星從東南來集于祠城則若雄雞其聲殷云野雞夜雉以一牢祠命曰陳寶

注曰陳倉縣有寶夫人祠或一歲二歲與葉君合葉神來時天爲之殷殷雷鳴雉爲雉在長安正西五百里韋昭曰在陳倉縣寶而祠之故曰陳寶索隱曰別異傳云陳倉人得異物以獻之道遇二童子云此名爲媚在地下食死人腦媚乃言彼二童子名陳寶得雄者王得雌者霸乃遂童子化爲雉秦穆公大獵果獲其雌爲立祠祭有光雷電之聲雄止南陽有赤光長十餘丈來入陳倉祠中以代俗謂之寶夫人祠抑有由也葉縣名在南陽葉君卽雄雉之神故時與寶夫人神合也作鄭時後七十八年秦德公既立卜居雍後子孫飲馬於河遂都雍雍之諸祠自此興用三百牢于鄭時作伏祠

注索隱曰服虔云周時無伏秦始作之漢舊儀云伏者萬鬼行故閉晝日不干求也東觀漢記和帝初令伏閉晝日是也又曆忌釋曰伏者何金氣伏藏之名四時代謝皆以相生而春木代木水生木也夏火代木木生火也冬木代金金生水也秋則以金代火金畏於火故凡至庚日必伏庚者金也德公立二年卒其後六年秦宣公作密時于渭南祭

青帝秦靈公作吳陽上時祭黃帝作下時祭炎帝櫟陽南金秦獻公自以爲得金瑞故作畦時櫟陽而祀白帝昔三代之君皆在河洛之間故嵩高爲中岳而四岳各如其方四瀆咸在山東至秦稱帝都咸陽則五岳四瀆皆并在東方自五帝以至秦軼輿軼衰名山大川或在諸侯或在天子其禮損益世殊不可勝記及秦并天下令祠官所常奉天地名山大川鬼神可得而序也于是自殷以東名山五大川祠二曰太室太室嵩高也恆山太山會稽湘山水曰濟曰淮春以脯酒爲歲祠因泮東秋涸凍冬賽禱祠其牲用牛犢各一牢具珪幣各異自華以西各名山七名川四曰華山薄山薄山者襄山也岳山岐山吳岳鴻冢瀆山瀆山蜀之汶山也水曰河祠臨晉河祠漢中湫淵祠朝那江水祠蜀亦春秋泮涸禱賽如東方名山山川而牲牛犢牢具珪幣各異而四大家鴻岐吳岳皆有嘗禾陳寶節來祠其河加有嘗醪此皆在雍州之域近天子之都故加車一乘驍駒四滴產長水澧澧涇渭皆非大川以近咸陽盡得比山川祠而無諸加泝洛二淵鳴澤蒲山岳嶠山之屬爲小山川亦皆歲禱賽泮涸祠禮不必同而雍有日月參辰南北斗熒惑太白歲星填星二十八宿風伯雨師四海九臣十四臣諸布諸嚴諸述之屬百有餘廟

注晉灼曰自此以下至天淵玉女凡二十六小神不說索隱曰九臣十四臣並不見其名數所出故昔賢皆不論也爾雅祭星曰布或云諸布是祭星之處迷亦未詳漢書作遂西亦有數十祠於湖有周天子祠于下邳有天神澧

滴有昭明注索隱曰按樂彥引河圖云熒惑星散爲昭明天子辟池

注索隱曰樂彥云辟池未聞顧氏以爲璧池卽滴池所謂華陰平舒道逢使者持璧以遺滴池君故曰璧池

於社亳有三社主之祠壽星祠注索隱曰社亳二邑有三社主之祠壽星蓋南極老人星也見則天下理安故祠之以祈福壽也而雍管廟亦有杜社主故周之右將軍其在秦中最小鬼之神者各以歲時奉祠唯雍四時上帝爲尊其光景動人民惟陳寶

注索隱曰地理志杜陵故杜伯國有杜主祠四壘子云周宣王殺杜伯不以罪後宣王田于圃見杜伯執弓矢射宣王伏殺而死故祠之也雍有五時而言四者顧氏以爲兼下文上帝爲五非也按四時據秦舊而言秦襄公始列爲諸侯而作西時文公卜居汧渭之間而作鄭時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作畦時祠白帝是爲四并高祖增黑帝而五也正義曰括地志云鄭時吳陽上下時是言秦用四時祠上帝青黃赤白最尊貴之也

故雍四時秦以爲歲禱因泮東秋涸凍冬賽祠五月嘗駒及四仲之月祠若月祠陳寶節來一祠春夏用驛秋冬用驛時駒四匹木禺龍樂車一驛木禺車馬一驛各如其帝名黃犢羔各四珪幣各有數皆生瘞

埋無俎豆之具三年一郊泰以冬十月爲歲首故常以十月上宿郊見通權火拜於咸陽之旁而衣上白其用如經祠云西時畦時祠如其故上不親往諸此祠皆太祝常主以歲時奉祠之至如他名山川諸鬼及八神之屬上過則祠去則已郡縣遠方神祠者民各自奉祠不領于天子之祝官祝官有祕祝卽有蕭祥輒祝祠移過于下

始皇二十八年東行郡縣祠名山大川及八神

按史記秦始皇本紀二十八年始皇東行郡縣上鄒嶧山立石與魯諸儒生議刻石頌秦德議封禪望祭山川之事乃遂上泰山立石封祠祀下風雨暴至休于樹下因封其樹爲五大夫禪梁父刻所立石乃臨于海還過彭城齋戒禱祠欲出周鼎泗水使千人沒水求之弗得乃西南渡淮水之衡山南郡浮江至湘山祠逢大風幾不得渡上問博士曰湘君何神博士對曰聞之堯女舜之妻而葬此於是始皇大怒使刑徒三千人皆伐湘山樹赭其山按封禪書始皇東游海上行禮祠名山大川及八神求仙人羨門之屬八神將自古而有之或曰太公以來作之齊所以爲齊以天齊也其祀絕莫知起時八神一日天主祠天齊天齊淵水居臨菑南郊山下者二曰地主祠太山梁父蓋天好陰祠之必于高山之下小山之上命曰時地貴陽祭之必于澤中圓丘云云三曰兵主祠蚩尤蚩尤在東平陸監鄉齊之西境也四曰陰主祠三山五曰陽主祠之第六曰月主祠之萊山皆在齊北竝渤海七曰日主祠成山成山斗入海最居齊東北隅以迎日出云八曰四時主祠琅邪琅邪在齊東方蓋

歲之所始皆各用一年具祠而巫祝所損益珪幣雜異焉

始皇三十二年燕人盧生使入海還以鬼神事奏錄圖書

按史記秦始皇本紀三十二年始皇之碣石使燕人盧生求羨門高誓刻碣石門因使韓終侯公石生求仙人不死之藥始皇巡北邊從上郡入燕人盧生使入海還以鬼神事因奏錄圖書曰亡秦者胡也始皇乃使將軍蒙恬發兵三十萬人北擊胡略取河南地

漢

漢王二年更立社稷及黑帝祠令祠官禮祠諸神按史記高祖本紀二年二月令除秦社稷更立漢社稷六月令祠官祀天地四方上帝山川以時祀之

按封禪書漢王二年東擊項籍而還入關問故秦時上帝祠何帝也對曰四帝有白青黃赤帝之祠高祖曰吾聞天有五帝而有四何也莫知其說于是高祖曰吾知之矣乃待我而具五也乃立黑帝祠命曰北時有司進祠上不親往悉召故秦祝官復置太祝太宰如其故禮儀因令縣爲公社下詔曰吾甚重祠而敬祭今上帝之祭及山川諸神當祠者各以其時禮祠之如故

高祖六年立諸神祠令祠官女巫巫領祠之

按史記漢書高祖本紀俱不載按史記封禪書漢王二年立黑帝祠後四歲天下已定詔御史令豐謹治粉榆社常以四時春以羊鑊祠之令祝官立蚩尤之祠于長安長安置祠祝官女巫巫其梁巫祠天地天社天水房中堂上之屬管巫祠五帝東君雲中司命

巫社巫族人先炊之屬

注索隱曰廣雅云東君日也王逸註楚詞雲中雲也東君雲中亦見歸藏易也周禮以檀燎祠司命鄭衆云司命文昌四星也正義曰先炊古炊母之神也

秦巫祠社主巫保族蠱之屬

注索隱曰社主卽上文三社之主巫保族蠱二神名

荆巫祠堂下巫先司命施糜之屬

注索隱曰巫先謂古巫之先有靈者蓋巫咸之類也施糜鄭元謂主施糜粥之神

九天巫祠九天

注索隱曰孝武本紀云立九天廟於甘泉三輔故事云胡巫事九天於神明臺淮南子云中央曰鈞天東方曰蒼天東北曰旻天北方曰元天西北曰幽天西方曰皓天西南曰朱天南方曰炎天東南曰陽天是爲九天也正義曰太元經云一中天一美天三徒天四罰更天五辟天六郭天七威天八治天九成天也

皆以歲時祠宮中其河巫祠河于臨晉而南山巫祠南山秦中秦中者二世皇帝各有時月

注張晏曰子產云匹匹婦強死者魂魄能依人爲厲

文帝十三年詔增諸神祠車馬珪幣俎豆之屬

按史記漢書文帝本紀俱不載按史記封禪書文帝十三年制曰朕卽位十三年于今賴宗廟之靈社稷之福方內父安民人靡疾問者比年登朕之不德何以饗此皆上帝諸神之賜也蓋聞古者饗其德必

第四八九冊 之〇三葉

博物彙編神異典第一卷神異總部

古八圖書集成

報其功欲有增諸神祠有司議增雍五時路車各一乘駕被具西時畦時禺車各一乘禺馬四匹駕被具其河湫漢水加玉各二及諸祠各增廣壇場珪幣俎豆以差加之而祝釐者歸福於朕百姓不與焉自今祝致敬母有所祈

武帝元光二年郊見五時又立祠祀泰一諸神

按史記武帝本紀上初至雍郊見五時亳人薄誘忌奏祠泰一方曰天神貴者泰一泰一佐曰五帝古者天子以春秋祭泰一東南郊用太牢具七日為壇開八通之鬼道於是天子令太祝立其祠長安東南郊常奉祠如忌方其後人有上書言古者天子三年一用太牢具祠神三一天一地一泰一天子許之令太祝領祠之千忌泰一壇上如其方後人復有上書言古者天子常以春秋解祠祠黃帝用一梟破鏡冥羊用羊祠馬行用一青牡馬泰一臯山山君地長用牛武夷君用乾魚陰陽使者以一牛令祠官領之如其方而祠於忌泰一壇旁其後天子苑有白鹿以其皮為幣以登瑞應造白金馬其明年郊雍獲一角獸若庶然有司曰陛下肅祇郊祀上帝報享錫一角獸蓋麟云於是薦五時時加一牛以燎賜諸侯白金以風符應合於天地按漢書武帝本紀郊壇五時係元光二年元符二年以齊人少翁言作甘泉宮置祭具以致天神

按史記武帝本紀獲麟明年齊人少翁以鬼神方見上上有所幸王夫人夫人卒少翁以方術蓋夜致王夫人及竈鬼之貌云天子自帷中望見焉於是乃拜少翁為文成將軍賞賜甚多以客禮禮之文成言曰

上即欲與神通宮室被服不象神神物不至乃作畫雲氣車及各以勝日駕車辟惡鬼又作甘泉宮中為臺室畫天地泰一諸神而置祭具以致天神居歲餘其方益衰神不至乃為帛書以飯牛詳弗知也言此牛腹中有奇殺而視之得書書言甚怪天子疑之有識其手書問之人果為書於是誅文成將軍而隱之其後則又作柏梁桐柱承露仙人掌之屬矣按漢書元符元年年當為二年

元符 年置壽宮設供具以禮神君

按史記武帝本紀文成死明年天子病鼎湖其巫醫無所不致至不愈游水發根乃言曰上郡有巫病而鬼下之上召置祠之甘泉及病使人問神君神君言曰天子毋憂病病少愈強與我會甘泉於是病愈遂幸甘泉病良已大赦天下置壽宮神君神君最貴者太一其佐曰太禁司命之屬皆從之非可得見聞其音與人言等時去時來則風肅然也居室帷中時畫言然常以夜天子祓然後入因巫為主人關飲食所欲者言行下又置壽宮北宮張羽旗設供具以禮神君神君所言上使人受書其言命之曰書法其所語世俗之所知也母絕殊者而天子獨喜其事祕世莫知也

元鼎四年使樂大公孫卿等候神人又立壇祀泰一及羣神

按史記武帝本紀樂成侯上書言樂大樂大膠東宮人故嘗與文成將軍同師已而為膠東王尚方而樂成侯姊為康王后母子康王死他姬子立為王而康后有淫行與王不相中得相危以法康后聞文成已

死而欲自媚於上乃遺樂大因樂成侯求見言方天子既誅文成後悔其早死惜其方不盡及見樂大大悅大為人長美言多方略而敢為大言處之不疑大言曰臣嘗往來海中見安期羨門之屬顧以為臣賤不信臣又以為康王諸侯爾不足方方臣數言康王康王又不臣臣之師曰黃金可成而河決可塞不死之藥可得仙人可致也臣恐效文成則方士皆掩口惡敢言方哉上曰文成食馬肝死爾子誠能修其方我何愛乎大曰臣師非有求人人主求之陛下必欲致之則貴其使者令有親屬以客禮待之勿卑使各佩其信印乃可使通言于神人神人尚肯邪不邪致尊其使然後可致也於是上使先驗小方闕旗自相觸擊是時上方憂河決而黃金不就乃拜大為五利將軍居月餘得四金印佩天子將軍地士將軍大通將軍天通將軍印制詔御史昔禹疏九江決四瀆間者河溢卑陸隄繇不息朕臨天下二十有八年天若遺朕士而大通焉乾稱蓂莢龍鴻漸於敷意庶幾與焉其以二千戶封地士將軍大為樂通侯賜列侯甲第僮千人乘輿斥車馬帷帳器物以充其家又以衛長公主妻之齋金萬斤更名其邑曰當利公主天子親如五利之第使者存問所給連屬於道自大主將相以下皆置酒其家獻遺之於是天子又刻玉印曰天道將軍使使衣羽衣夜立白茅上五利將軍亦衣羽衣立白茅上受印以示弗臣也而佩天道者且為天子道天神也於是五利常夜示其家欲以下神神未至而百鬼集矣然頗能使之其夜治裝行東入海求其師云大見數月佩六印貴振天下而海上

燕齊之間莫不搔腕而自言有禁方能神仙矣其夏
六月中汾陰巫錦爲民祠魏離后土營旁見地如鉤
狀培視得鼎鼎大異於衆鼎文錢無款識怪之言吏
吏告河東太守勝勝以聞天子使使驗問巫錦得鼎
無姦詐乃以禮祠迎鼎至甘泉從行上薦之至中山
晏溫有黃雲蓋焉有應過上自射之因以祭云其秋
上幸雍且郊或曰五帝泰一之佐也宜立泰一而上
親郊之上疑未定齊人公孫卿曰今年得寶鼎其冬
辛巳朔旦冬至與黃帝時等卿有札書曰黃帝得寶
鼎宛侯間於鬼臾區區對曰黃帝得寶鼎神策是歲
己酉朔旦冬至得天之紀終而復始于是黃帝迎日
推策後率二十歲得朔旦冬至凡二十推三百八十
年黃帝仙登于天卿因所忠欲奏之所忠視其書不
經疑其妄書謝曰寶鼎事已決矣尚何以爲卿因嬖
人秦之上大悅名問卿對曰受此書申功申功已死
上曰申功何人也卿曰申功齊人也與安期生通受
黃帝言無書獨有此鼎書曰漢興復當黃帝之時漢
之聖者在高祖之孫且曾孫也寶鼎出而與神通封
禪封禪七十二王惟黃帝得上太山封申功曰漢主
亦當上封上封則能仙登天矣黃帝時萬諸侯而神
靈之封居七千天下名山八而三在蠻夷五在中國
中國華山首山太室太山東萊此五山黃帝之所常
遊與神會黃帝且戰且學仙患百姓非其道乃斷斬
非鬼神者百餘歲然後得與神通黃帝郊雍上帝宿
三月鬼臾區號大鴻死葬雍故鴻冢是也其後黃帝
接萬靈明廷明廷者甘泉也所謂寒門者谷口也黃
帝采首山銅鑄鼎於荆山下鼎既成有龍垂胡頰下

迎黃帝黃帝上騎羣臣後宮從上龍七千餘人龍乃
上去餘小臣不得上乃悉持龍頰頰拔墮黃帝之
弓百姓仰望黃帝既上天乃抱其弓與龍胡頰號故
後世因名其處曰鼎湖其弓曰烏號於是天子曰嗟
乎吾誠得如黃帝吾視去妻子如脫屣耳乃拜卿爲
郎東使候神于太室上遂郊雍至隴西西登空桐幸
甘泉令祠官寬舒等具泰一祠壇壇放薄忌泰一壇
壇三垓五帝壇環居其下各如其方黃帝西南除八
通鬼道泰一所用如雍一時物而加醴棗脯之屬殺
一犛牛以爲俎豆牢具而五帝獨有俎豆禮進其下
四方地爲餼食羣神從者及北斗云已祠昨餘皆燎
之其牛色白鹿居其中鉏在鹿中水面泊之祭日以
牛祭月以羊鉏特泰一祝宰則衣紫及繡五帝各如
其色日赤月白十一月辛巳朔旦冬至昧爽天子始
郊拜太一朝朝日夕夕月則揖而見太一如雍禮其
贊饗曰天始以寶鼎神策授皇帝朔而又朔終而復
始皇帝敬拜見焉而衣上黃其祠列火滿壇旁壇旁
烹炊具有司云祠上有光焉公卿言皇帝始郊見泰
一雲陽有司奉瑄玉嘉牲薦饗是夜有美光及晝黃
氣上屬太史公祠官寬舒等曰神靈之休祐福兆
祥宜因此地光城立泰畤壇以明應令太祝領祀及
臘間祠三歲天子一郊見其秋爲伐南粵告祀泰一
以牡荆畫幡日月北斗登龍以象天一三星爲泰一
鋒名曰靈旗爲兵禱則太史奉以指所伐國而五利
將軍使不敢入海之泰山祠上使人微隨驗實無所
見五利妄言見其師其方盡多不讎上乃誅五利其
冬公孫卿候神河南見仙人跡緱氏城上有物若雉

往來城上天子親幸緱氏城視跡問卿得無效文成
五利乎卿曰仙者非有求人主人主求之其道非少
寬假神不來言神事事如迂誕積以歲乃可致於是
郡國各除道繕治宮觀名山神祠所以望幸矣按封
元封元年東巡禮登中岳祠八神封泰山令齊人入
海求蓬萊神人
按史記武帝本紀上議曰古者先振兵澤旅然後封
禪乃遂北巡朔方勒兵十餘萬還祭黃帝家橋山澤
兵須如既至甘泉爲且用事太山先類祠太一上與
公卿諸生議封禪齊人丁公年九十餘曰封者合不
死之名也秦皇帝不得上封陛下必欲上稍上即無
風雨遂上封矣上於是乃令諸儒習射牛草封禪儀
數年至且行天子既聞公孫卿及方士之言黃帝以
上封禪皆致怪物與神通欲放黃帝以嘗接神仙入
蓬萊士高世比德於九皇而頗采儒術以文之群儒
既以不能辨明封禪事又牽拘於詩書古文而不敢
騁上爲封禪器示群儒群儒或曰不與古同徐偃又
曰太常諸生行禮不如魯善周霸屬圖封事於是上
細偃霸盡罷諸儒弗用三月東幸緱氏禮登中岳太
室從官在山下若聞有言萬歲云問上上不言問下
下不言於是以前三百戶封太室奉祠命曰崇高邑東
上泰山遂巡海上行禮祠八神齊人之上疏言神怪
奇方者以萬數然無驗者乃益發船令言海中神山
者數千人求蓬萊神人公孫卿持節常先行候名山
至東萊言夜見一人長數丈就之則不見見其跡甚
大類禽獸云羣臣有言見一老父牽狗言吾欲見巨

公已忽不見上既見大跡未信及羣臣有言老父則大以爲仙人也宿雷海上與方士傳車及間使求仙人以千數四月還至奉高上念諸儒及方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠泰一之禮封廣丈二尺高九尺其下則有玉牒書書祕禮畢天子獨與侍中奉車子侯上泰山亦有封其事皆禁明日下陰道丙辰禪泰山下趾東北肅然山如祭后土禮天子皆親拜見衣上黃而盡用樂焉江淮間一茅三脊爲神藉五色土益雜封縱遠方奇獸蜚禽及白雉諸物頗以加祠咒施牛犀象之屬弗用皆至泰山然後去封禪祠其夜若有光晝有白雲起封中天子從封禪還坐明堂羣臣更上壽天子既已封禪泰山既無風雨雷而方士更言蓬萊諸神山若將可得於是上欣然庶幾遇之乃復東至海上望冀遇蓬萊焉奉車子侯暴病一日死上乃遂去並海上北至碣石巡自遼西歷北邊至九原五月返至甘泉有司言寶鼎出爲元鼎以今年爲元封元年

元封二年祠五帝及泰一遂至東萊觀神人又令越巫祠天神上帝百鬼始用籬卜
按史記武帝本紀天子既封禪有司言以今年爲元封元年其來年冬郊雍五帝還拜祝祠泰一贊饗曰德星昭衍厥維休祥壽星仍出淵耀光明信星昭見皇帝敬拜泰祝之饗其春公孫卿言見神人東萊山若云見天子天子於是幸緱氏城拜卿爲中大夫遂至東萊宿留之數日母所見見大人跡是時既滅南越越人勇之乃言越人俗信鬼而其祠皆見鬼數有

效昔東甌王敬鬼壽至百六十歲後世謾怠故衰耗乃令越巫立越祝祠安臺無壇亦祠天神上帝百鬼而以雞卜上信之越祠籬卜始用焉公孫卿曰仙人可見而上往常遽以故不見今陛下可爲觀如緱氏城置脯棗神人宜可致且仙人好樓居於是上令長安則作蜚廉桂觀甘泉則作益延壽觀使卿持節設具而候神人乃作通天臺置祠具其下將招來神仙之屬於是甘泉更置前殿始廣諸宮室云 按封禪書今天子所興祠太一后土三年親郊祠建漢家封禪五年一修封薄忌泰一及三一冥羊馬行赤星五寬舒之祠官以歲時致禮凡六祠皆太祝領之至如八神諸明年凡山他名祠行過則祠行去則已方士所興祠各自主其人終則已祠官不主他祠皆如其故今上封禪其後十二歲而還徧於五嶽四瀆矣而方士之候伺神人入海求蓬萊終無有驗而公孫卿之候神者猶以大人之跡爲解無有效天子益怠厭方士之怪迂語矣然羈縻不絕冀遇其真自此之後方士言神祠者彌衆然其效可睹矣

太初二年命祀五時及諸名山山川用駒者悉以木耦馬代
按史記武帝本紀太初元年西伐大宛蝗大起丁夫人權陽處初等以方祠詛祠奴大宛焉其明年有司言雍五時無半熟具芬芳不備乃命祠官進時饋半具五色食所勝而以木耦馬代駒焉獨五帝用駒行親郊用駒及諸名山山川用駒者悉以木耦馬代行過乃用駒他禮如故
太始四年祠神人於交門宮

按漢書武帝本紀太始四年夏四月幸不其祠神人於交門宮若有鄉坐拜者作交門之歌
宣帝神爵元年以方士言大立諸神祠

按漢書宣帝本紀不載 按郊祀志上始幸甘泉郊見泰時數有美祥修武帝故事盛車服敬齋祠之禮頗作詩歌其三月幸河東祠后土有神爵集改元爲神爵制詔太常夫江海百川之大者也今闕焉無祠其令祠官以禮爲歲事以四時祠江海雒水所爲天下豐年焉自是五嶽四瀆皆有常禮東嶽泰山於博中嶽泰室於嵩高南嶽灊山於潯西嶽華山於華陰北嶽常山於上曲陽河於臨晉江於江都淮於平氏濟於臨邑界中皆使者持節侍祠唯泰山與河歲五祠江水四餘皆一禱而三祠云時南郡獲白虎獻其皮牙爪上爲立祠又以方士言爲隨侯劍寶玉寶璧周康寶鼎立四祠於未央宮中又祠太室山於即墨三戶山於下密祠天封苑火井於鴻門又立歲星辰星太白熒惑南斗祠於長安城旁又祠參山八神於曲城蓬山石社石鼓於臨胸之眾山於歷成山於不夜萊山於黃成山祠日萊山祠月又祠四時於琅邪蚩尤於壽良京師近縣鄆則有勞谷五林山日月五帝仙人玉女祠雲陽有徑路神祠祭休屠王也又立五龍山仙人祠及黃帝天神帝原水凡四祠於膚施或言益州有金馬碧雞之神可醮祭而致於是遣諫大夫王褒使持節而求之大夫劉更生獻淮南枕中洪寶苑祕之方令尚方鑄作事不驗更生坐論後尚方待詔皆罷
成帝建始二年始祀南郊詔罷諸神祠遣候神方士

等歸家

按漢書成帝本紀建始二年春正月罷雍五時辛巳上始郊祀長安南郊按郊祀志成帝初即位丞相衛御史大夫譚奏言帝王之事莫大乎承天之序承天之序莫重於郊祀故聖王盡心極慮以建其制祭天於南郊就陽之義也瘞地於北郊即陰之象也天之於天子也因其所都而各饗焉往者孝武皇帝居甘泉宮即於雲陽立泰畤祭於宮南今行常幸長安郊見皇天反北之泰陰祠后土反東之少陽事與古制殊又至雲陽行裕谷中阨陁且百里汾陰則渡大川有風波舟楫之危皆非聖王所宜數乘郡縣治道共張吏民困苦百官煩費勞所保之民行危險之地難以奉神靈而祈福祐殆未合於承天子民之意昔者周文武郊於豐鄆成王郊於維此觀之天隨王者所居而饗之可見也甘泉秦時河東后土之祠宜可徙置長安合於古帝王願與羣臣議定奏可大司馬車騎將軍許嘉等八人以爲所從來久遠宜如故右將軍王商博士師丹議郎翟方進等五十人以爲禮記曰燔柴於太壇祭天也瘞瘞於太折祭地也兆於南郊所以定天位也祭地於太折在北郊就陰位也郊處各在聖王所都之南北書曰越三日丁巳用牲于郊牛二周公加牲告徙新邑定郊禮於維明王聖主事天明事地察天地明察神明章矣天地以王者爲主故聖王制祭天地之禮必於國郊長安聖主之居皇天所觀視也甘泉河東之祠非神靈所饗宜徙就正陽大陰之處違俗復古循聖制定天位如禮便於是衛譚奏議曰陛下聖德聰明

上通承天之大典覽羣下使各悉心盡慮議郊祀之處天下幸甚臣聞廣謀從衆則合於天心故洪範曰三人占則從二人言言少從多之義也論當往古宜於萬民則依而從之違道寡與則廢而不行今議者五十八人其五十人言當從之義皆著於經傳同於上世便於吏民其八人不按經藝考古制而以爲不宜無法之議難以定吉凶太誓曰正稽古立功立事可以永年丕天之太誓詩曰母曰高高在上陟降厥士日監在茲言天之目監王者之處也又曰迺眷西顧此維予宅言天以文王之都爲居也宜於長安定南北郊爲萬世基天子從之既定衡言甘泉泰畤紫壇八軋宣通象八方五帝壇周環其下又有羣神之壇以尚書禮六宗望山川徧羣神之義紫壇有文章采鏤黼黻之飾及玉女樂石壇仙人祠瘞驚路駢駒寓龍馬不能得其象於古臣聞郊紫壇饗帝之義埽地而祭上質也歌大呂舞雲門以娛天神歌太簇舞咸池以娛地祇其牲用犢其席稌藉其器陶匏皆因天地之性貴誠上質不敢修其文也以爲神祇功德至大雖修精微而備庶物猶不足以報功唯至誠爲可故上質不飾以章天德紫壇僞飾女樂驚路駢駒龍馬石壇之屬宜皆勿修衡又言王者各以其禮制事天地非因異世所立而繼之今雍鄜密上下時本秦侯各以其意所立非禮之所載衛也漢興之初儀制未及定即且因秦故祠復立北時今既稽古建定天地之大禮郊見上帝青赤白黃黑五方之帝皆畢陳各有位饗祭祀備具諸侯所妄造王者不當長邇及北時未定時所立不宜復修天子皆從焉及陳寶

祠由是皆罷明年上始祀南郊赦奉郊之縣及中都官耐罪囚徒是歲衛譚復條奏長安廚官縣官給祠郡國侯神方士使者所祠凡六百八十三所其二百八所應禮及疑無明文可奉祠如故其餘四百七十五所不應禮或復重請皆罷奏可本雍舊祠二百三所惟山川諸星十五所爲應禮云若諸布諸嚴諸遂皆罷社主有五祠置其一又罷高祖所立梁晉秦荆巫九天南山萊中之屬及孝文渭陽孝武薄忌泰一三一黃帝冥羊馬行泰一阜山山君武夷夏后啓母石萬里沙八神延年之屬及孝宣參山蓬山之采成山萊山四時蚩尤勞谷五牀仙人王女徑路黃帝天神原水之屬皆罷侯神方士使者副佐本草待詔七十餘人皆歸家

未始三年詔復諸神祠

按漢書成帝本紀未始三年冬十月庚辰皇太后詔有司復甘泉泰畤汾陰后土雍五時陳倉陳寶祠按郊祀志匡衡坐事免官爵衆庶多言不當變動祭祀者又初罷甘泉泰畤作南郊日大風壞甘泉竹宮折拔時中樹木十圍以上百餘天子異之以問劉向對曰家人尚不欲絕種祠況於國之神寶舊時且甘泉汾陰及雍五時始立皆有神祇感應然後營之非苟而已也武宣之世奉此三神禮敬敬備神光尤著祖宗所立神祇舊位誠未易動及陳寶祠自秦文公至今七百餘歲矣漢興世世常來光色赤黃長四五丈直祠而息音聲碎隱野雞皆雉每見雍太祝祠以太牢遣侯者乘傳馳詣行在所以爲福祥高祖時五來文帝二十六來武帝七十五來宣帝二十五來初

元元年以來亦二十來此陽氣舊祠也及漢宗廟之禮不得擅議皆祖宗之君與賢臣所共定古今異制經無明文至尊至重難以疑說正也前始納貢禹之議後人相因多所動搖易大傳曰誣神者殃及三世恐其咎不獨止禹等上意恨之後上以無繼嗣故令皇太后詔有司曰蓋聞王者承事天地交接泰一尊莫著於祭祀孝武皇帝大聖通明始建上下之祀營泰時於甘泉定后土於汾陰而神祇安之饗國長久子孫蕃滋累世遵業福流於今今皇帝寬仁孝順奉循聖緒靡有大愆而久無繼嗣思其咎職殆在徙南北郊違先帝之制改神祇舊位失天地之心以妨繼嗣之福春秋六十未見皇孫食不甘味寢不安席朕甚悼焉春秋大復古善順祀其復甘泉泰時汾陰后土如故及雍五時陳寶祠在陳倉者天子復親郊禮如前又復長安雍及郡國祠著明者且半

綏和 年谷未上言諸盛稱奇怪鬼神者樂請距絕帝善之

按漢書成帝本紀不載 按郊祀志成帝末年頗好鬼神亦以無繼嗣故多上書言祭祀方術者皆得待詔祠祭上林苑中長安城旁費用甚多然無大貴盛者谷永說上曰臣聞明於天地之性不可惑以神怪知萬物之情不可罔以非類諸背仁義之正道不遵五經之法言而盛稱奇怪鬼神廣崇祭祀之方求報無福之祠及言世有仙人服食不終之藥造典輕舉登遐倒景覽觀縣圖浮游蓬萊耕耘五德朝種暮穫與山石無極黃冶變化堅冰渟溺化邑五倉之術者皆姦人惑衆挾左道懷詐僞以欺罔世主聽其言洋

洋盈耳若將可遇求之盪盪如繁風捕景終不可得是以明王距而不聽聖人絕而不語昔周史長弘欲以鬼神之術輔尊靈王會朝諸侯而周室愈微諸侯愈叛楚懷王隆祭祀事鬼神欲以獲福助卻秦師而兵挫地削身辱國危秦始皇初并天下甘心於神仙之道遺徐福韓終之屬多齋童男童女入海求神采藥因逃不還天下怨恨漢興新垣平齊人少翁公孫卿樂大等皆以仙人黃冶祭祠事鬼使物入海求仙采藥貴幸賞賜累千金大尤尊盛至妻公主爵位重衆震動海內元鼎元封之際燕齊之間方士瞋目扼堅言有神仙祭祀致福之術者以萬數其後平等皆以術窮詐得誅夷伏辜至初元中有天淵玉女鉅鹿神人轅陽侯師張宗之姦紛紛復起夫周秦之末三五之隆已嘗專意散財厚爵祿疎精神舉天下以求之矣曠日經年靡有毫釐之驗足以揆今經日享多儀儀不及物惟曰不享論語說日子不語怪神惟陛下距絕此類毋令姦人有以窺朝者上善其言

哀帝 年盡復諸神祠

按漢書哀帝本紀不載 按郊祀志哀帝即位寢疾博徵方術士京師諸縣皆有侍祠使者盡復前世所常與諸神祠官凡七百餘所一歲三萬七千祠云平帝元始元年禁淫祀以義陵神衣自出柙用太牢祀 按漢書平帝本紀元始元年二月禁淫祀乙未義陵寢神衣在柙中丙申旦衣在外牀上寢令以急變聞用太牢祠 元始五年王莽奏復南北郊定羣神祠廟兆時

按漢書平帝本紀不載 按郊祀志平帝元始五年大司馬王莽奏言王者父事天故爵稱天子孔子曰人之行莫大於孝孝莫大於嚴父嚴父莫大於配天王者尊其考欲以配天緣考之意欲尊祖推而上之遂及始祖是以周公郊祀后稷以配天宗祀文王於明堂以配上帝禮祀天子祭天地及山川歲徧春秋穀梁傳以十二月下辛上正月辛郊高皇帝受命因雍四時起北時而備五帝未其天地之祀孝文十六年用新垣平初起渭陽五帝廟祭泰一地祇以太祖高皇帝配日冬至祠泰一夏至祠地祇皆并祠五帝而共一牲上親郊拜後平伏誅迺不復自親而使有司行事孝武皇帝祠雍曰今上帝朕親郊而后土無祠則禮不答也於是元鼎四年十一月甲子始立后土祠於汾陰或曰五帝泰一之佐宜立泰一五年十一月癸未始立泰一祠於甘泉二歲一郊與雍更祠亦以高祖配不歲事天皆未應古制建始元年徙甘泉泰時河東后土於長安南北郊未始元年三月以未有皇孫復甘泉河東祠綏和二年以卒不獲祐復長安南北郊建平三年懼孝哀皇帝之疾未瘳復甘泉汾陰祠竟復無福臣謹與太師孔光長樂少府平晏大司農左咸中壘校尉劉歆大中大夫朱陽博士薛蘭議郎國由等六十七人議皆曰宜如建始時丞相衡等議復長安南北郊如故莽又奏言書曰類于上帝禮于六宗歐陽大小夏侯三家說六宗皆曰上不及天下不及墜旁不及四方在六者之間助陰陽變化實一而名六名實不相應禮記祀典功施於民則祀之天文日月星辰所昭仰也地理山川海澤

此為試讀，需要完整PDF請訪問：www.ertongbook.com

所生施也易有八卦乾坤六子水火不相逮風不相諄山澤通氣然後能變化既成萬物也臣前奏徒甘泉秦時汾陰后土皆復於南北郊謹按周官兆五帝於四郊山川各因其方今五帝兆居在雍五時不合於古又日月雷風山澤易卦六子之尊氣所謂六宗也星辰水火溝瀆皆六宗之屬也今或未特祀或無兆居謹與太師光大司徒宮義和欽等八十九人議皆曰天子父事天母事璽今稱天神曰皇天上帝泰一兆曰泰時而稱地祇曰后土與中央黃靈同又兆北郊未有尊稱宜令地祇稱皇璽后祇兆曰廣時易曰方以類聚物以羣分分羣神以類相從爲五部兆天璽之別神中央帝黃靈后土時及日廟北辰北斗填星中宿中宮於長安城之未璽兆東方帝太昊青靈句芒時及雷公風伯廟歲星東宿東宮於東郊兆西方帝少皞白靈蓐收時及太白星西宿西宮於西郊兆北方帝顓頊黑靈元冥時及月廟雨師廟辰星北宿北宮於北郊兆泰可於是長安旁諸廟兆時甚盛矣

後漢

世祖建武元年祭告天地及羣神

按後漢書世祖本紀建武元年六月己未即皇帝位燔燎告天禮於六宗望於羣神 按祭祀志光武即位於鄧爲壇營於鄧之陽祭告天地采用元始中郊祭故事六宗羣神皆從未以祖配天地共饋餘牲尚約

建武二年初制天地及諸神兆位

按後漢書世祖本紀建武二年春正月壬子起高廟建社稷於洛陽立郊兆於城南 按祭祀志二年正月制制郊兆於雒陽城南七里依鄧采元始中故事爲圓壇八陛中又爲重壇天地位其上皆南向西上其外壇上爲五帝位青帝位在甲寅之地赤帝位在丙巳之地黃帝位在丁未之地白帝位在庚申之地黑帝位在壬亥之地其外爲壇重營皆紫以像紫宮有四通道以爲門日月在中營內南道日在東月在西北斗在北道之西皆別位不在羣神列中八陛陸五十八畝合四百六十四畝五帝陸郭帝七十二畝合三百六十畝中營四門門五十四神合二百一十六神外營四門門百八神合四百三十二神皆背營內鄉中營四門門封神四外營四門門封神四合三十二神凡千五百一十四神營即壇也封土築也背中營神五星也及中宮宿五官神及五嶽之屬也背外營神二十八宿外官星雷公先農風伯雨師四海四瀆名山大川之屬也隴蜀平後乃增廣郊祀高帝配食位在壇上西面北上天地高帝黃帝各用犢一頭青帝赤帝共用犢一頭白帝黑帝共用犢一頭凡用犢六頭日月北斗共用牛一頭四營羣神共用牛四頭凡用牛五頭凡樂奏青陽朱明西皓元冥及雲翹育命舞中營四門門用席十八枚外營四門門用席三十六枚凡用席二百一十六枚皆莞簞率一席三神日月北斗無陸郭醴既送神燭俎實於壇南巳地

注周禮凡以神位者掌三辰之法以猶鬼神示之居辨其名物鄭元曰猶圖也居謂坐也天者羣神

之精日月星辰其著位也以此圖天神人鬼地祇之坐者謂布祭衆寡與其居向皆有明法焉

中元元年封禪泰山祭天地及羣神

按後漢書世祖本紀中元元年二月己卯幸魯進幸泰山辛卯柴望岱宗登封泰山甲午禪於梁父 按祭祀志建武三十二年正月上齋夜讀河圖會昌符日赤劉之九會命岱宗不慎克用何益於承誠善用之姦僞不萌感此文乃詔松_松等復案索河雒識文言九世封禪事者松等列奏乃許焉二月上至奉高二十二日辛卯晨燎祭天於泰山下南方羣神皆從用樂如南郊事畢將升封或曰泰山雖已從食於柴祭今親升告功宜有禮祭於是使調者以一特牲於常祠泰山處告祠泰山如親耕疆劉先祠先農先虞故事至食時御輦升山日中後到山上更衣早脯時即位於壇北面羣臣以次陳後西上畢位升壇尚書令奉玉牒檢皇帝以寸二分重親封之詔太常命人發壇上石尚書令藏玉牒已復石覆訖尚書令以五寸印封石檢事畢皇帝再拜羣臣稱萬歲命人立所刻石碑乃復道下二十五日甲午禪祭地於梁陰以高后配山川羣神從如元始中北郊故事四月己卯大赦天下以建武三十二年爲建武中元元年以吉日刻玉牒書函藏金匱璽印封之乙酉使太尉行事以特告至高廟太尉奉匱以告高廟藏於廟室西壁石室高主室之下

章帝元和二年詔祀山川百神

按後漢書章帝本紀元和二年春二月詔曰今山川鬼神應典禮者尚未咸秩其議增修羣祀以祈豐年

丙辰東巡狩辛未幸太山柴告岱宗有黃鵠三十從西南來經祠壇上東北過於宮屋翔翔升降進幸奉高壬申宗祀五帝於汶上明堂癸酉告祠二祖四宗夏四月乙卯車駕還宮庚申假於祖廟告祠高廟按祭祀志二月上東巡狩將至泰山道使使者奉一太牢祠帝堯於濟陰成陽靈臺上至泰山修光武山南壇兆柴祭天地羣神如故事

魏

文帝黃初五年詔禁淫祠

按三國志魏文帝本紀黃初五年冬十二月詔曰先王制禮所以昭孝事祖大則郊社其次宗廟三辰五行名山大川非此族也不在祀典叔世衰亂崇信巫史至乃宮殿之內戶牖之間無不沃醑甚矣其惑也自今其敢設非祀之祭巫祝之言皆以執左道論著於令典

吳

吳主皓

年詔毀神祠

按三國志吳主孫皓傳不載按續文獻通考吳主皓嘗詔毀神祠及佛宇

欽定古今圖書集成博物彙編神異典

第二卷目錄

神異總部彙考二

晉 世祖泰始二則 東晉一則

宋 高祖永初一則 世祖孝建一則 太宗一則

梁 高祖中大通一則

北魏 太祖一則 高祖延興一則 太和三則 肅宗神龜一則 出帝永興一則

隋 高祖開皇二則

唐 高祖武德一則 元宗天寶二則 肅宗上元一則 穆宗長慶一則

後唐 莊宗同光二則 明宗天成一則 長興一則

後周 世宗顯德一則

遼 穆宗應曆一則

宋 太祖建隆一則 太宗雍熙二則 淳化一則 真宗大中祥符四則 天禧一則 神宗熙寧一則 元豐一則 徽宗大觀一則 欽宗靖康一則 高宗紹興四則

金 世宗大定一則

元 成宗大德一則 英宗一則 泰定帝致和

明 總一則 太宗洪武三則 成祖永樂四則 憲宗成化一則 世宗嘉靖三則 穆宗隆慶一則 神宗萬曆一則

皇清 共六則

神異總部彙考三

禮記 月令 祭法

周禮 地官

神異典第二卷

神異總部彙考二

晉

世祖泰始元年詔禁淫祠

按晉書世祖本紀不載 按禮志泰始元年十二月詔昔聖帝明王修五嶽四瀆名山川澤各有定制所以報陰陽之功而當幽明之道故也然以道蒞天下者其鬼不神其神不傷人故史薦而無媿詞是以其人敬慎幽冥而淫祠不作未代信道不篤僭亂潰神縱欲祈請曾不敬而遠之徒偷以求幸妖妄相煽舍正為邪故魏朝疾之其按舊禮具為之制使功著於人者必有其報而妖淫之鬼不亂其間

泰始二年春正月丙戌遣兼侍中侯史光等持節四方循省風俗除禳祀之不在祀典者

按晉書世祖本紀云云 按禮志二年正月有司奏春分祠厲殃及禳祠詔曰不在祀典除之

東晉後廢諸神祀

按晉書禮志禮王為羣姓立七祀曰司命中雷國門國行太厲戶竈仲春元鳥至之日以太牢祀高禪毛詩絲衣篇高子曰靈星之戶漢興高帝亦立靈星祠及武帝以李少君故始祀竈及生辰太子始立高禪漢儀云國家亦有五祀有司行事其禮頗輕於社稷則亦存其典矣又云常以仲春之月立高禪祠於城南祀以特牲又是月也祠老人星于國都南遂郊老人星廟立夏祭竈季秋祠心星于城南壇心星廟元康時洛陽猶有高禪壇百姓祠其旁或謂之落星是後諸祀無聞江左以來不立七祀靈星則配饗南郊

不復特置焉

宋

高祖末初二年禁淫祀

按宋書高祖本紀末初二年夏四月己卯朔詔曰淫祠惑民費財前典所絕可並下在所除諸房廟其先賢及以勳德立祠者不在此例 按禮志末初二年普禁淫祀由是蔣子文祠以下普皆毀絕

世祖孝建 年周朗奏請除鬼道妖巫諸神怪事不聽

按宋書世祖本紀不載 按周朗傳世祖即位普責百官讜言朗上書言凡鬼道惑眾妖巫破俗觸本而言怪者不可數寓采而稱神者非可算其原本是亂男女合飲食因之而以祈祝從之而以報請是亂不誅為害未息凡一苑始立一神初興淫風輒以之而甚今修隄以北置園百里峻山以右居靈十房糜財敗俗其可稱限又針藥之術世寡復修診脈之伎人鮮能達民因是益徵于鬼遂棄于醫重令耗惑反死天復半今大醫宜男女習教在所應遣吏受業如此故當愈于媚神之愚徵正賡理之敝矣書奏忤旨自解去職

太宗 年立九州廟于雞籠山大聚羣神

按宋書太宗本紀不載 按禮志明帝立九州廟于雞籠山大聚羣神蔣侯宋代稍加爵位至相國大都督中外諸軍事加殊禮鍾山王蘇侯驃騎大將軍四方諸神咸如舊矣

梁 高祖中大通五年祀南郊致諸靈異

按梁書高祖本紀中大通五年春正月辛卯與駕親祀南郊先是一日東南郊令解縣之等到郊所履行忽聞空中有異香三隨風至及將行事奏樂迎神畢有神光滿壇上朱紫黃白雜色食頃方滅

北魏

太祖 年立諸神祠

按魏書太祖本紀不載 按通典後魏道武帝初有兩彗星見劉后使占之占曰祈之則掃定天下后從之故立其祠又立歲神十二歲一祭以十月用牛一雞三又立土神四歲二祭常八月十月用羊又立獻明以上天神四十所歲祭其神尊小馬次牛小以羊皆女巫行事

世祖太延元年詔禮報百神

按魏書世祖本紀太延元年六月甲午詔曰比者已來禋瑞仍臻天降嘉貺將何德以酬之其令禮報百神守宰祭界內名山大川上答天意以求福祿太延二年以司徒崔浩議罷不經神祀

按魏書世祖本紀不載 按禮志太延二年六月司徒崔浩奏議神祀多不經案祀典所宜祀凡五十七

所餘重復及小神請皆罷之奏可

按文獻通考後魏自入中國以來雖頗用古禮祀天地宗廟百神而猶循其舊俗所祀明神甚衆太武時崔浩請存合于祀典者五十七所其餘重復及小神悉罷之

高宗和平二年以早詔祭百神

按魏書高宗本紀不載 按禮志和平二年四月早下詔州郡於其界內神無大小悉灑掃薦以酒脯年

登之後各隨本秩祭以牲牢至是羣祀先廢者皆復之

高祖延興二年詔祀諸神悉用酒脯

按魏書高祖本紀不載 按禮志延興二年有司奏天地五郊社稷以下及諸神合一千七十五所歲用牲七萬五千五百顯祖深愍生命乃詔曰朕承天事神以育羣品而咸秩虛廣用性甚衆大神聰明正直享德與信何必在牲易曰東鄰殺牛不如西鄰之禴祭實受其福苟誠感有著雖行潦菜羹可以致大嘏何必多殺然後獲祉福哉其命有司非郊天地宗廟社稷之祀皆無用牲於是羣祀悉用酒脯太和四年勅祀羣神

按魏書高祖本紀太和四年二月癸巳詔曰朕承乾緒君臨海內夙興昧旦如履薄冰今東作方興庶類萌動品物資生膏雨不降歲一不登百姓饑乏朕甚懼焉其敕天下祀山川羣神及能興雲雨者修飾祠堂薦以牲璧太和十五年有司以不雨奏祈百神不許又詔減省羣祀罷水火之神四十餘名

按魏書高祖本紀太和十五年不雨有司奏祈百神詔曰昔成湯遇旱齊景逢災並不由祈山川而致雨皆至誠發中澍潤千里萬方有罪在予一人今普天喪恃幽顯同哀神若有靈猶應未忍安饗何宜四氣未周便欲祀事唯當考躬責己以待天譴 按禮志十五年秋八月戊午詔曰國家自先朝以來饗祀諸神凡有一千二百餘處今欲減省羣祀務從簡約昔漢高之初所祀衆神及寢廟不少今日至于元成之

際匡衡執論乃得減省後至光武之世禮儀始備饗祀有序凡祭不欲數數則黷黷則不敬神聰明正直不待煩祀也又詔曰明堂太廟並祀祖宗配祭配享於斯備矣白登崢嶸山雞鳴山廟唯遣有司行事馮宣王誕生先后復因在官長安立廟宜異常等可勅雍州以時供祭又詔曰先恆有水火之神四十餘名及城北星辰今闕丘之下既祭風伯雨師司中司命明堂祭門戶井竈中霤每神皆有此四十神計不須立悉可罷之

太和二十年七月帝以久旱咸秩羣神

按魏書高祖本紀云云

肅宗神龜二年十有二月庚申詔除淫祀焚諸雜神

按魏書肅宗本紀云云

出帝末興四年置天地日月諸神于宮內復置天神等二十三於道武廟左右

按魏書出帝本紀不載 按開府元龜末興四年加置天地日月之神及諸小神二十八宿於宮內歲二祭各用羊一又別置天神等二十三於道武廟左右其神大者以馬小者以羊

隋

高祖開皇十三年以鬼火彌漫令灑酒宣勅以呪遣之

按隋書高祖本紀不載 按食貨志開皇十三年帝命楊素出於岐州北造仁壽宮素遂夷山墮谷營構觀宇崇臺累榭宛轉相屬役使嚴急丁夫多死疲敝顯仆者推填坑坎覆以土石因而築爲平地死者以萬數宮成帝行幸焉時方暑月而死人相次于道素

乃一切焚除之帝頗知其事甚不悅及入新宮遊觀乃喜又謂素為忠後帝以歲暮晚日登仁壽殿周望原隰見宮外燐火彌漫又聞哭聲令左右觀之報曰鬼火帝曰此等工役而死既屬年暮魂魄思歸耶乃令灑酒宣教以呪遣之自是乃息

開皇二十年詔盜毀岳鎮海濱神形者以不道論

按隋書高祖本紀開皇二十年十二月詔曰五嶽四鎮節宣雲雨江河淮海潤區域並生養萬物利益兆人故建廟立祀以時恭敬敢有毀壞偷盜岳鎮海濱神形者以不道論

唐

高祖武德九年詔禁淫祠

按唐書高祖本紀不載 按舊唐書高祖本紀武德九年九月壬子詔私家不得輒立妖神妄設淫祠非禮祀禱一切禁絕

元宗天寶元年作集靈臺以祀天神

按唐書元宗本紀不載 按舊唐書元宗本紀天寶元年新成長生殿名曰集靈臺以祀天神

天寶 載王璵請築壇祀青帝始以紙寓錢為鬼事

按唐書元宗本紀不載 按王璵傳元宗在位廣修祠祭靡神不祈璵上言請築壇東郊祀青帝天子入其言擢太常博士侍御史為祠祭使璵專以祠解中

帝意有所顧祇大抵類巫覡漢以來葬喪皆有瘞錢後世里俗稍以紙寓錢為鬼事至是璵乃用之

肅宗上元元年王璵奏置太一壇又遣女巫分禱天下山川諸神

按唐書肅宗本紀不載 按王璵傳肅宗立璵以祠

禱見龍乾元三年拜蒲同絳等州節度使俄以中書侍郎同中書門下平章事時大兵後天下願治璵望輕無它才不為士議諸司既驟得政中外悵駭乃奏置太一壇勸帝身見九宮祠帝由是事意它議不能奪帝嘗不豫太卜建言崇在山川璵遣女巫乘傳分禱天下名山大川巫皆盛服中人護領所至于托州縣賂遺狼籍時有一巫美而蠱以惡少年數十自隨九檢役不法馳入黃州刺史左震晨至館請事門鑄不啓震怒破鑄入取巫斬廷下悉誅所從少年籍其贓得十餘萬因遣還中人既以聞璵不能詰帝亦不加罪按乾元三年改元為上元

代宗廣德 年詔作天華上宮露臺及婆父諸祠尋停之

按唐書代宗本紀不載 按王璵傳璵托鬼神致位將相當時以左道進者紛紛出焉李國禎者以術士顯廣德初建言唐家仙系宜崇表福區招致神靈請度昭應南山作天華上宮露臺大地婆父祠并三皇道君太古天皇中古伏羲女媧等各為堂皇給百戶掃除又即義扶谷故狄祠龍置房宇有詔從之乃除地課工方歲飢人不堪命昭應令梁鎮上疏切諫以為有七不可天地之神推之尊極者掃地可祭精意可享今廢先王之典為人祈福福未至而人已困又違神虐人何從而致福邪宗廟月無三祭此不宜然婆父之鄙語不經見若為地建祖廟上天必貽向背之責夫狄者龍所托耳今湫竭已久龍安所存不宜崇去龍之穴破生人之產若三皇五帝道君等兩京及所都各有宮廟春秋彝典此復營造是謂瀆神夫

休咎豐凶本於五事不在山川百神明矣即劾國禎等動衆則得人興工則獲利祭祀則受胙主執則市權營罔天聽負抱柔媚道路相望無時而息人神胥怨災孽並至臣昨受命有所安輯陛下許以權宜今所興造臣謹以便宜悉停帝從之

德宗貞元二十年使巫祝禳厭鬼兵

按唐書德宗本紀不載 按紀聞貞元二十年夏六月帝在東京百姓相驚以鬼兵皆奔走不知所至或自衝擊破傷其鬼兵初過於洛水之南坊市喧喧漸至水北聞其過時空中如數千萬騎甲兵人馬嘈嘈有聲俄而過盡每夜過至於再至於三帝惡之使巫祝禳厭每夜於洛水濱設飲食普讀北齊書亦有此事天統中晉陽云有鬼兵百姓競擊銅鐵以畏之皆不久喪也

穆宗長慶三年十二月浙西觀察使李德裕奏去管内淫祠一千一十五所

按唐書穆宗本紀不載 按舊唐書穆宗本紀云云

後唐

莊宗同光元年詔祀百神

按五代史唐莊宗本紀不載 按開府元龜同光元年四月莊宗即位制曰山林川澤祀典神祇各隨處差官崇修祭饗十月德音應有百神祠宇不得有虧時祭十一月辛丑勅天下州縣所有神祠本處差官告祭

同光二年秋七月己酉如雷山賽天神

按五代史唐莊宗本紀云云

按五代史唐明宗本紀不載 按開府元龜天成四年九月戊辰祠部員外郎呂昉奏五龍祠九宮壇天地三官置醮之禮久廢請依典故修之

長興二年勅諸神名見史傳者封之其餘任自于境內祭享又勅修諸神祠

按五代史唐明宗本紀不載 按開府元龜長興二年七月福建王延均上言當道神廟七所乞封王號

勅無諸史傳有名宜封爲闕越富義王其餘任自於境內祭享是月勅天下州府應有神祠破損者仰取公使錢添修

後周

世宗顯德元年祭羣祠又有拜胡天之制

按五代史周世宗本紀不載 按開府元龜世宗以顯德元年正月丙申卽位八月丁未以風雨時若遣官分祭羣祠後周欲招來西域又有拜胡天制皇帝親焉

遼

穆宗應曆十四年十二月丙午以黑兔祭神

按遼史穆宗本紀云云

宋

太祖建隆四年以修太廟祭告土神詔郊祀前一日奏告東嶽等廟

按宋史太祖本紀不載 按禮志建隆四年修葺太廟遣官奏告四室及祭本廟土神凡修葺同如遷神

主修畢奉安是歲十一月詔以郊祀前一日遣官奏告東嶽城隍浚溝廟五龍廟及子張子夏廟他如儀

太宗雍熙二年閏九月乙未禁毆管殺人祭鬼

按宋史太宗本紀云云 雍熙四年詔祭諸神廟

按宋史太宗本紀不載 按禮志雍熙四年詔以親耕藉田遣官奏告外又祭九龍黃溝扁鵲吳起信陵張耳單雄信七廟後又增祭德安公嶽臺諸神廟爲定式

淳化元年禁殺人祀鬼

按宋史太宗本紀淳化元年八月己巳禁川峽嶺南湖南殺人祀鬼州縣察捕舉告者賞之

眞宗大中祥符元年得天書遂封禪泰山祀羣神

按宋史眞宗本紀大中祥符元年春正月乙丑有黃帛曳左承天門南鸛尾上守門卒塗告有司以聞上召羣臣拜迎於朝元殿啓封號稱天書丁卯紫雲見如龍鳳覆宮殿戊辰大赦改元己卯詔以天書之應申徹在位三月壬午文武官將校蠻夷耆壽僧道二萬四千三百七十餘人詣闕請封禪不允自是表凡五上夏四月甲午詔以十月有事於泰山遣官告天地宗廟嶽瀆諸祠五月癸未置天書儀衛使副扶侍使都監夾侍凡有大禮卽命之詔離京至封禪以前不舉樂所經州縣勿以聲伎來迎六月乙未天書再降於泰山醴泉北壬寅迎泰山天書於含芳園雲五色見俄黃氣如鳳駐殿上九月甲子奉天書告太廟悉陳諸州所上芝草嘉禾瑞木於仗內冬十月辛卯車駕發京師扶侍使奉天書先道辛丑駐蹕鄆州神光起昊天玉冊上己酉五色雲起岳頂庚戌茂鸞臨山門黃雲覆輦道經險峻降筆步進先夕大風至是頓息辛亥享昊天上帝於圓臺陳天書於左以太

祖太宗配帝袞冕獻慶雲繞壇月有黃光命羣臣享五方帝諸神於山下封祀壇上下傳呼萬歲振動山谷降谷口日有冠戴黃氣紛紛于神祠首如封祀儀紫氣下覆黃光如星繞天書匣縱四方所獻珍禽奇獸還奉高宮日重輪五色雲見作會眞宮十一月壬戌次東都縣辛廣相寺癸亥次鄆州幸開元寺辛未幸河濱廟加封丁丑至自泰山奉天書還宮按禮志先是大中祥符元年正月乙丑帝謂輔臣曰朕去年十一月二十七日夜半方就寢忽室中光耀見神人星冠絳衣告曰來月三日宜於正殿建黃籙道場一月將降天書大中祥符三篇朕竦然起對已復無見命筆識之自十二月朔卽齋戒於朝元殿建道場以竹神貺適皇城司奏左承天門屋角有黃帛曳鸛尾上帛長二丈許絨物如書卷纏以青縷三道封處有字隱隱蓋神人所謂天降之書也王旦等皆再拜稱賀帝卽步至承天門瞻望再拜遣二內臣升屋奉之下旦跪奉而進帝再拜受之親奉安輿導至道場付陳亮叟啓封帛上有文曰趙受命典于朱付於脊居其器守於正世七百九十九定誠書甚密扶以利刀方啓帝跪受復授亮叟讀之其書黃字三幅詞類書洪範老子道德經始言帝能以以至孝至道紹世次論以清淨簡儉終述世祚延末之意讀訖帝復跪奉蘊以所絨帛盛以金匱且等稱賀於殿之北廡丙寅羣臣入賀崇政殿賜宴帝與輔臣皆蔬食遣官奏告天地宗廟社稷及京城祠廟丁卯有司設大次朝元殿之西廊黃麾仗宮縣登歌文武官陪列帝服鞞袍升殿酌獻三清天書禮畢步導入內戊辰大赦